

(ciep banj 13)

(41) Cauhlaeb aen diji doiq rog guek cienzboq engq riuz engq ndei. Doicaenh dauqlaeb aen gapgyaq doiq rog guek cienzboq, gyalaeq gaijgwz cauhamoq aen gihci meizdij gaemyiengq doiq rog guek cienzboq, gyavaiq cauhaeb aen gapgyaq doiq rog cienzboq miz lai mbiengloh, lai caengz haenx. Gyavaiq cauhaeb aen diji Cungguk gangjah caeuq Cungguk lwnhsaeh, cienzmienh hawj doiq rog guek cienzboq guh ndaej engq mizyauq. Cauhlaeb gij gihci hengzguh aen iudaeuz hawj lajmbwn vwnzmingz. Doidoengh hawj gij guenleix byaij okbae, cingj haeujdaej bienq fuengbienh bae, gyalai caeuq guek wng guh yinzvwnz gyaulouz doxgap.

Cib' it, Laebcaez Aen Cidu Dijhi Bauj Cang Caeuq Gaijndei Gwndaenj Beksingq

Youq mwh hwngfat bauj cang caeuq gaijndei gwndaenj beksingq dwg aen yinvu hungnaek gij yendaiva yiengh Cungguk. Bietdingh aeu seizseiz caenh rengz bae guh, aenq rengz bae guh, laebndei aen cidu diji yiengh fugsah vnzlai caezcaemh cei nox, lai roengzrengz guhndei doengh gij yienghsaeh gwndaenj beksingq ndei doh, guhgiek, baujdaej haenx, gaijgez ndei gij vwndiz nanangq leih' ik cei yienhsaed cei cigsoh beksingq cei gvansim de, mboujduenh muenxcuk gij siengj-muengh yinzminz gvaq saedcej gyaeundei.

(42) Laebndei aen cidu faenboiq souhaej. Cauhlaeb gij cidu diji baez faenboiq daih' it, baez faenboiq daihngieh, baez faenboiq daihsam dox-daengh boiqdauq de, youq mwh faenboiq gozminz souhaej hawj gihminz souhaej ciemq cingzsoq engq lai, youq baez faenboiq daih' it hawj cienzhong ciemq cingzsoq engq lai. Laebndei aen gihci gietdingh, hableix gyalai, bauj ndaej ceihawj gij gunghsw houxguhong, laebcaez gij cwngcwz cidu ciuq yausu faenboiq. Laebndei aen gihci diuzceez baez faenboiq daihngieh baudaengz gvaesuiq, ndawbiengz bauj cang, senjnod ceihawj daengj. Haeujcoengh hwngfat gij saehnieb goeng' ik swnz-sienh.

Gveihfan aen bouhloh faenboiq souhaej, gveihfan aen gihci cwkrom cienzcaiz, lai diuz miengloh bae demgya gij souhaej oklaeng caizcanj gyoengq gihminz singz mbanj, cauxbaenz aen cidu diji caen ndaej gyalai gij souhaej gyoengq vnz souhaej nox, onjbouh hawj gyoengq vnz souhaej cungdaengj bienq lai, hableix diuzceez gij souhaej sang gvaqbouh. Gyalaeq gaijgwz aen gihci gietdingh gij gunghsw giyez guekmiz, hableix doekdingh caemhcai yiemzgek gveihfan cienzhong, cinhdez bujdez bouxfucwz gak gaep ndaw giyez guekmiz.

(43) Laebndei gij cwngcwz couhnieb baiz youq gonq. Laebcaez gij gihci coi hawj boux couhnieb guh ndaej onj youh nanz, laebndei aen diji fugsah vnzlai couhnieb, roengzrengz gaijgez gij mauzdun couhnieb oklaeng gezgou de. Laebndei aen diji haeujcoengh gauhyau bizyezswng, nungzminz-gung, bouxbing duiyiz daengj gyoengq vnz cungdenj neix couhnieb, laebcien aen cidu baenzciuh sonlien gij dinfwngz ciknieb. Doeng-buenz nda ndei aen cwngcwz diji couhnieb singz mbanj, doengzboh doicaenh gaijgwz gij fugsah huciz, yungh vnz, dangjan daengj, gaijndei aen vanzging laeb gij cwngcwz aeu cau hnieb coicaenh couhnieb, haeujcoengh caeuq gveihfan bae hwngfat

gij yiengh couhnieb moq. Laebndei gij cidu gihci coihawj gihvei goengbingz, deudoeng diuz miengloh ndawbiengz riuzdoengh. Laebndei aen gihci doxyaeng diuzndei gij gvanhaeh guhhong, gyarengz bauj cang gij gienzik bouxguhong.

(44) Laebcaez aen diji ndawbiengz bauj cang. Laebndei aen cidu daengx guek doengbuenz suenqveh yiengh baujiemj ciengxlaux cei nox, laebcaez aen bingzdaiz goenggungh fugsah sebau daengx guek caezcaemh de. Laebcaez aen diji hawj sebau gihginh mbouj bienqcienh, lai dijcienz caiqlj gamguenj ancienz. Laebcaez aen gihci couzcien hawj yiengh baujiemj ciengxlaux cei nox, yiengh baujiemj ywbingh cei nox caeuq hableix diuzcingj gij dakdaih gyoengqde, cugbouh daezsang gij cienzgoek ciengxlaux yiengh baujiemj ciengx-laux cei nox boux gihminz singz mbanj. Laebcaez gij sebau cidu boux gag ragwn, nungzminzgungh, boux guh gij yiengh couhnieb moq, gyalai gyoengqvunz ndaej daengz yiengh baujiemj saetnieb, sienghong, senglw de, cienzbouh siubae cungj hanhhaed baengh huciz youq dieg couhnieb camgya baujiemj, laebndei aen cwngcwz senjdieg ciepswnj gij gvanhaeh sebau. Gyavaiq hwngfat aen diji yiengh baujiemj ciengxlaux miz lai caengz-mbaek, lai yiengh dingdaemx haenx, gyahung aen gvaengx hengz gij cidu nenzginh, doihengz aen cidu cienzciengxlaux gagboux. Hawj gak loih sanghyez baujiemj ndaej bae boujcong gak cungj bauj cang. Doicaenh sengjaep daengxbuenz vehsuenq yiengh baujiemj ywbingh cei nox, gyalaeq gaijgwz yiengh fuengsik ceihawj yihbauj, laebndei aen cidu baujiemj binghnaek caeuq yihliuz gouqbang, gyarengz gamguenj gij gihginh yihbauj. Laebcaez aen diji ndawbiengz gouqbang. Laebcaez aen cidu bauj cang gij gienzik habfap mehmbwk lwnyez. Laebcaez gij cidu ndawbiengz bauj cang bouxbueg caeuq aen diji gvansim in' gyaez fugsah bouxbueg.

Gyavaiq laebhwnj aen cidu ranzyouq ndaej co ndaej cawx, gyavaiq laebhwnj yiengh vunsik moq hwngfat fangzdicanj. Gyalai hwnqguh caeuq gunghawj gij ranz bauj miz youq, hawj gyoengq vnz lingx gunghsw ndaej cawx dauq ranz an' gya. Haeujcoengh gyoengq gihminz singz mbanj ndaej doenggvaq lai cungj fuengsik bae vuenh gij ranz haemq ndeiyouq. Cungfaen hawj gij cwngfuj gak aen hawsingz miz gienz gag guhcawj bae diuzgung aen hawciengz fangzdicanj, yawj singz dingh geiq, cinhawj aen hawsingz mizgven siubae roxnaeuz gemjnoix gij cwngcwz hanhhaed cawx ranz, siubae gij biucinj ranzyouq bingzciengz caeuq ranzyouq mbouj bingzciengz. Gaijgwz gij fuengsik yungzsw haifat fangzdicanj caeuq yiengh cidu daezgonq gai ransanghbinj. Caezcien aen cidu sougvaeh fangzdicanj.

(45) Gyalaeq gaijgwz aen diji yihyoze veiswng. Saedhengz aen canloz hwngfat gij saehnieb ndangcang baiz youq gonq, laebcaez aen diji goenggungh veiswng, coicaenh ndawbiengz caez guen, yw fuengz gapdoh, yw fuengz yungzhab, gyaak gij naengzlig gamcaek yawhgingj, bingzguj fungyiemj, diucz yozlij binghlah, genjniemh cazniemh, cawqleix dangqhaenq, yihliuz gouqyw daengj. Coicaenh yihliuz, yihbauj, yihyoze gapdoh hwngfat caeuq ceihleix. Coihawj gij yihliuz whyenz ndei haenx gyalai, roengz daengz baihlaj bae caiqlj ranghdieg baijbouh bingzyaenx, gyavaiq hwnqguh aen diji faengaep yawjbingh ywbingh, doicaenh hwnqguh yiengh yihliuz lenzhodzid gaenjaed,

gyarengz guh yiengh fugsah yihliuz veiswng gihcwngz. Gyalaeq yiengh gaijgwz hawj yihyen goenglaeb cienj coh loih goeng' ik bae, laebhwnj aen gihci aeu sou gij cienz fugsah ywbingh guh goek, laebndei aen cidu cienzhong, laebhwnj aen gihci riengzseiz diuzcingj benhci. Dazyinx gveihfan yihyen minzyingz hwngfat. Cauhamoq gij fuengfap gamguen yihliuz veiswng. Laebcaez aen gihci haeujcoengh gij yw cauhamoq caeuq gaiqdawz ywbingh hwngfat, laebndei aen gihci ciepswnj cauhamoq hwngfat cunghyihyoze.

(46) Laebcaez aen diji haeujcoengh caeuq fugsah vnzgyaeu demlai. Aeu wngqdoiq bouxgeq bienq lai, lwnyez bienq nox guh cungdenj bae laebndei aen canloz hawj vnzgyaeu demlai, laebcaez aen diji fugsah vnzgyaeu goq daengz bouxboux, guen daengz baenzciuh, coicaenh vnzgyaeu gig ndei bae fatmaj. Laebndei aen cwngcwz diji haeujcoengh senglw caeuq aen gihci giklei senglw, doidoengh hwnqguh aen biengz haenhndei senglw de. Caencingq gyangqdaemq gij cingzbonj senglw, ganqciengx, doegsaw, laebndei aen cidu senglw youhgyaj, laebhwnj aen cidu boujdiep senglw, hawj yiengh fugsah vnzlai caezcaemh nangqdaengz gihbwnj senglw caeuq lwnyez yihliuz guh ndaej engq ndei bae, gyalai dingjaeu goyinz sojdwzui. Gyarengz hwnqguh aen diji fugsah ganq lwnomj ndei doh vnzlai, haeujcoengh aen danhvei yunghvunz banh giz dakciengx, segih saeb haeuj giz dakciengx, aenranz guh giz dakciengx daengj lai cungj vunsik hwngfat. Dawzndei gij gwzgvanh gvilwd vnzgyaeu riuzdoengh, doidoengh yiengh fugsah vnzlai caezcaemh doxgven de riengz vnz byaij, coihawj gij vnz singz mbanj, vnz gak dieg hableix gyonjcomz, miz bouhloh riuzdoengh.

Haeujrengz bae wngqdoiq bouxgeq bienq lai, laebndei gij cwngcwz gihci hwngfat saehnieb ciengxlaux caeuq cannieb ciengxlaux. Hwngfat yiengh ginghci bouxgeq, cau' ok gij couhnieb gangvih lai cungj lai yiengh, gag miz daegdiemj habngamj bouxgeq de. Ciuq aen yenzcwz ganyienh, ndaej bienq, onjdangq miz bouhloh bae doicaenh yiengh gaijgwz cugciemh doilaeng aen bisoq duiyoh fapdingh. Engq ndei bae gunghawj yiengh fugsah ciengxlaux cei nox, gungganq aen gihgou fugsah ciengxlaux ndaw segih, laebcaez aen gihci yinhhengz gij gihgou ciengxlaux goengbanh, gikcoi caeuq dazyinx giyez daengj rengz ndawbiengz lai daej caeuqfaenh, doicaenh yiengh fugsah doxbang ciengxlaux, coihawj ywbingh ciengxlaux dox giethab. Gyavaiq bouj caez giz nyieg yiengh fugsah ciengxlaux lajmbanj. Engq ndei bae fugsah gyoengq bouxgeq daegbied gunnanz baudaengz bouxmai, bouxbueg gagleix mbouj ndaej neix, gyavaiq laebhwnj aen cidu yiengh baujiemj ciengzgeiz hohleix.

Cibngeih, Gyalaeq Gaijgwz Aen Dijci Swnghdai Vwnzmingz

Gij yendaiva yiengh Cungguk dwg cungj yendaiva bouxvunz caeuq swyenz doxhuz caemh-youq. Bietdingh aeu laebndei aen cidu diji swnghdai vwnzmingz, gapdoh doicaenh gyangq danq, gemj uq, gya loeg, demmaj, lai bae wngqdoiq dienheiq bienqvaq, gyavaiq laebndei aen diji gihci doeksaed yiengh leixniemh raemx saw bya heu couh dwg bya gim bya ngaenz.

(cienj banj 15)